




白圭經集註卷之一

鍾












御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃庶	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年十一月十一日	



皇經集註啟讚序

天猷副元帥和應善天尊製

原夫大道無刑妙萬物而資始至真罔象攝
群心而自歸機若洪鍾扣之立應邈哉上聖
至誠遂通恭惟

本行經者

鍾一

玄皇之秘言穹昊之樞要浮黎真境紀談授
道之初紫微上宮顯露緘藏之跡實諸天之
隱韻乃大梵之仙章八角垂亡本由於宸翰
于真列衛普度於人靈年劫孰究世數莫知

蓋大地衆生迷謬喪失真源自壞刑體耽惑
情愁不能洗滌聖文遂隱今日崑山玉顯巨
海珠分護覩瓊文伏增驚歎所謂幽囚重繫
慕妙義以薦原痼疾沉痾仰德音而頓愈昏
衢惠炬溟渤舟航保國寧家濟生度死金編
玉軸浩渺難量非慕真風曷契斯理聊叙大
要以化未萌云耳

高上玉皇本行集經前序

道本無言諸經皆真聖唾迹但因言顯道文
亦聖賢之所不廢自三才分名教立理本一

致謬妄者或岐之岐之非是也 元始坐照

於諸劫之先當時至運會諸真問

王帝行因遂說是經廼法品最尊靈文第一
自來經書無有及此者真文隱奧不事奇麗
梵對而旨自難窮諸聖所不能言思議所不

能到此經括盡明若掌臣張仲事文中古供
職於周祇承

上帝卽聞此經願終寶持 帝偶較人間功

過錄臣仲 在忠孝之途 命掌化九天編輯

此經經中玄蘊益得飽味惜世觀經者不能

體聖意契玄旨謬刊訛傳言韻或誤遂分洞
玄高上二名各執私見以傳習大悖說經之
意甚至膠柱狂誕之徒或不信比經或以爲
因襲他典或無知強解皆不知是經之尊而
罪福報應不可逃也其過何可言臣仲不忍

盛典之失傳惜塵俗之愚謬誤犯無知不聞
大道奏承

帝命使仙真解經說義流傳凡世作窮經之
關鑰爲人道之梯階庶聖經法航可濟久溺
之流玄宗妙藥易醫積沉之病聞經悟道永

無妄議應機識真終免輪沉三千大千世界
悉太和之域從劫至劫代代爲樂利之場求
道必得無願不成是經功德斯無負矣謹序
九天開化文昌梓童帝君

臣

張仲頓首百拜

原道

南極遐齡老人懼仙撰

懼仙曰稽夫道教之源昔在混茫始判人道

未備天命我

道祖軒轅黃帝承

鍾一

三

九皇之運乘六龍以御天代天立極以定三

才當是時也天地尚未昭晰無有文字結繩

以代政無有房屋巢居以穴處無有衣裳結

草以蔽体無有器用汗尊而杯飲我

道祖軒轅黃帝始創製文字製衣服作宮室

制器用而人事始備今九流之中三教之內
所用之文字所服之衣裳所居之房屋所用
之器皿皆

黃帝之始制是皆出於吾道家

黃帝之教焉且夫老子謂生天生地生人生

萬物必有所生者曰吾不知其名強名曰道

強字之曰大故曰大道其教曰道教世方有

道字之名以是論之凡言修道學道者是皆

竊老子之言以道為名也豈非老氏之徒乎

又若老子所謂玄之又玄為衆妙門玄妙二

字又皆竊之為名用之於經者是皆用老子之言也。又若莊子書曰有大覺而後知聖人此大覺二字乃莊子所立之名。徽宗取之而封金仙其經皆用之。是皆出於吾道家之書。黃帝老莊之教也。

皇經註緒前序

道之一字。

三教同尊稱之。迺妄誕狂流。目

道為二乘。是不知道也。

玉帝。

三教同尊

事之。盲徒或稱為天主。議其不尊。是不攷

玉帝本行根由也。

帝修德無量。功成不毀

位至尊。名最勝。統萬天包。三教御三千大

千。歷劫自如。儒家稱為上帝。佛家號曰燃燈。

道。號玄主。尊貴無倫。觀是經。則知帝妙行。

可破千古之疑。萬種之惑。惜不知者。未契經

文。猶有妄議。不能了悟。增罪愈深。豈識人生

鍾

本於道。宰於上帝。明心於聖訓。若輕帝慢

文。皆不明大道。是背本忘親。不達生成之自

也。臣崑慨此已久。故序於經註之首以示戒。

純陽警化孚佑帝君臣呂崑頓首百拜序

皇經集註再緒前序

道之有經。如天之有日月。國之有典章。觀日

月。面牆之弊可免。遵先王之法而過者。未之有也。則崇信真經。豈非入道之準的乎。况此經。元始親傳。玉帝諸神承宣。三教最

上品。大聖秘密言。在在宜尊。劫劫當重。但無言之道。此經已作文具。又何用註解哉。然經

以文言。自得道者觀之耳。未得入門。正深借

於此矣。不然。渡河無筏。焉得到岸。嗟嗟。舍經

求道。非也。執經為道。亦非也。以心觀經。以經

驗心。心融神

會。此天寶靈章。固在我性分中。真明。不至泥文矣。奚有二病哉。

長春輔化明應真君

臣

丘處機頓首百拜

皇經集註前四序

道之大。玉帝之尊。皇經聖玄奧。臣震知之

已久。世多昧而興妄議。將以道可離。天可褻。

聖經可輕耶。豈知道有經。即性有此身。天有

帝。即身有天君耳。無幻身。則性無所附。而妙

鍾一

五

不彰。非天君。則身無主。而形為虛。身心不可

無。則帝恩可不報。經功可不信哉。但信經

非徒以文。惟神會以心耳。真得不忘。則妙果

成矣

雷霆大元帥臣鄧天君頓首百拜恪序

三讚

臣鄧天君稽首言

讚

大哉至道

無宗上真

道

卓爾三教

惟此獨尊

讚

皇矣玉帝

三教無倫

帝

沙界浩劫

永皈至尊

讚

皇經盛典

微妙甚深

經

三教括盡

法品最尊

皇經集註初纂前序

宣聖不言神而祇事

上帝。儒者諱談玄。而

敦尚心學。

上帝固儒家之不敢慢矣。卒無

觀道經。會玄旨。融三為一者。豈意專立門耶。

抑行道而不暇耶。吁。亦隘矣。事不在於狗名。道惟貴於實益。玄經非矣。何以言道。是矣。又何殊於儒。而可拘拘哉。臣洪先。幼習孔訓。嘗

及玄典。恍若有得。未敢輒是。迨長捷龍頭。居金鸞坡。得備覽三教書。益知莫尊於道。莫

深於玄。二教語莫勝於皇經。如菽粟布帛之不可少。奧意難規。諸仙註不可不傳。因寄

迹方外。虔輯成卷。惜弱軀日羸。未及刊布。後

遇山東濟

南隱客。周雲清氏。講玄經。修道歲。遂托友人天拙子。記愚言以付之。

明萬曆十三年冬。前狀元方隱臣江西羅洪先叩序

皇經註集纂序

道之難言久矣。

臣玄貞。

葦爾蠢質草莽下士。

何足知道。而修玄藏集皇經編註耶。以蚊負

山。徒見其不勝任已。但大道不遺於卑陋。下

學亦可以知言。玉經雖玄。諸仙明解。適羅太

鍾一

六

史付愚。不彙入藏。是秘天寶。叅入。又於見未

安。懼劣質管見。不能聯仙旨。融註意。嚼飯旁

付。令人嘔噦。使道味至趣。為某調亂。則罪益

甚矣。嗚呼。迷者之明。世亦希覩。臣愚陋而僭

迷者之事。宜無功而取罪也。然志在行道。罪

我之議。孔子不辭。愚何人斯。敢避罪而不述
已成之論耶。若重道英流。觀其管見而憐之。
繼為發明。以宣此經之義。是編為不徒矣。謹序

明萬曆十五年講修道經臣山東周玄貞百拜

皇經集註膳錄序

行道揚名。以光先人。世所謂忠以成孝。古今

相襲之道也。臣靜粹。幼業儒。雖知天帝之

尊。行道不在功名。寔知所未逮矣。後從玄師

務。觀皇經註。迺知三教一理。性道無二。此經

直指玄要。悟此則道盡。遂僭序卷首以自勉
明萬曆十六年夏京都奉道臣王靜粹叩書

諸義攷目

道源攷

道本無象無名。孰究其源。奚從而攷。自

元始分化。太虛孕妙。有道之秘彰。名因以立。

真一含三。三教峙焉。有無終始。不外五行。劫

鍾一

七

劫相生。聖聖相承。皆道也。縱有跳出三界。不
在五行。亦不免為成道之人耳。固道之所由
顯。道家之名。所自來矣。故尋經源先攷此。

經源攷

經以載道。度世慈航。諸經皆聖真法言。無非

至理。但此經演自 元始。化本 玉帝。

元始為三教之首。 玉帝為萬法之宗。此經

至玄極妙。獨冠三教。又為諸經之玉。浩劫常

存。演從無始。秘之玄天。韞在玉笈。字非凡品。

廣長一丈。光徹無量。天真皇人。應時按筆。書

傳世間。此經之所由宣布。故續道源以繼攷。

玉帝萬法教主。聖祖玄師出處。世系攷

師以度世。破迷拔苦。傳道授經。開來繼往。大

道玄師。統三教。包萬法。居天中之天。為聖中

之聖。無始無終。本莫窮其自。在萬象之先。但

道妙分真。現生光嚴妙樂國中。迺往昔劫中

化顯也。世人觀天道陽明。陽主施其機常張。

尊帝曰。張大帝。迷徒不達此理。妄以今北直

隸真定府。行唐張氏族。為

玉帝之後。豈知行唐張族。迺張果之支裔。張

仙之後也。奚可混作一論哉。此姓氏世族之

攷耳。若論世系。浩劫之古。且焉有死生

玉帝為大道之首分。浩劫之古。且焉有死生

玉帝復登昇宮眷。悉證道耳。要之

帝后宮眷。非實女身。皆天至真。為度群生。顯

玉化女身。經已言之。即佛成道。妻子證聖也。目

玉道脉之支分。孰非

玉帝之眷屬。統系若

大羅宮眷。證道後。皆天真聖身。如文殊掌無

垢世界。龍女成道。而化男身。義同。今之僧

玉道世人。不觀此理。妄以為
玉帝有宮眷。有輪迴。為二乘果。豈知諸天可盡。
三清境大羅天。無盡諸天帝輪迴。

玉帝不輪迴。蓋

玉帝迺道身。道無窮。玉帝豈有窮乎。信乎。

玉帝最上一乘諸佛之師。萬天之王。宮眷皆

道化之妙意矣。玄系之畧若此。學者勿妄

論請詳是攷。

刊經功德攷

鍾

太古經無紙筆。方策記之。蒙恬蔡倫造紙筆。

載經書後。高士刊板印記。功德又加倍。世之

迷徒旁門。不知恬倫受福於堪率天。以為二

人有地獄之報。二人之遊冥府。從

太乙救苦天尊。執經入地府。化度邪說罪人

冥主地藏菩薩。

耳。二人豈有地獄之苦哉。功德甚大。刊經演

教之品也。

持誦施經講註實益攷

持誦講解。心要至誠。一無染着貪妄。功德如
經中語。印經施捨。功德又大。以其廣布法品。
若輕經。謗經。污損經典。罪亦深重。勉之。戒之。
勿負聖賢之教。

玉帝聖號同異攷

玉帝聖號。崇自浩劫前。中古復尊上。重稱讚
耳。世主好道感。

玄息。各就所見聞。所皈重。事與時會。功以世
顯。隨其彰著。人人共觀聽者。敬上諸神之號。

以定稱謂。玉帝有四。一太微玉帝。漢武帝上
太微垣星主號也。二梵天玉帝。漢宣帝上天
市垣帝主號也。三焰華少微玉帝。漢哀帝上
先天定位號也。四紫極玉帝。漢光武上後天
乾彌也。皆非此玉帝。此玉帝。彌昊天金闕無
上至尊自然妙有。彌羅至真。玉皇上帝。又曰。
玄穹高上玉皇大帝。是帝宰諸天。永不毀淪。
世不詳考。謬謂帝即帝釋。不知玉帝名號。各
有不同。其四玉帝。俱屬高上玉帝統御。今言
四帝天皇同列者。亦非是玉帝。達天者詳之。

玉帝御蒞推極攷

葛仙翁曰。世界之天。所見皆同。儒家言一天地。一上帝。道教言三十億萬大法界。界有三十六天。天各有帝。俱屬高上玉帝統攝。釋教言三千大千世界。界有三十二天。界各一玉帝。三教之論若殊。然言一天者。天外言太虛。稱其不可窮。言三十億萬。自是之外。亦言不可思議。言三千大千者。自此之外。亦言無盡量。故儒言順帝之則。又曰。聖希天。天體無窮。至元會運世。此理亦在。是以上帝為不變遷。

也。道言高上虛無真帝不毀佛言真如自在。永不退轉。是俱言玉帝無毀淪也。故言一天者。非遺大也。舉總名而言之。與玄釋不二矣。言三十億萬。三千大千。非謬說也。析分數而言。與儒者相同矣。至於釋言各一玉帝。一界各一極也。道言共此玉帝。衆界同一無極也。曰太虛曰不思議。曰無盡量。皆知道不變。玉帝常在耳。苟以世界分而謂玉帝殊。豈以無極之理。有二乎。或以元會遷而上帝毀。豈無極之理有壞乎。知道不壞。

則玉帝常在信矣
毋持魔說以謗聖

玉帝清微天界攷

王重陽曰。清微天之最上玄微處。即道家所謂種民天。儒家所謂冲漠之表。蒼蒼不毀。釋教所謂不退轉之地。今禪之雜文內。誤言玉帝在須彌山頂。迺日月天四王天。或有毀壞

鍾一

十

惟彌勒內院為不退處。又言彌羅垣。又言彌來園。此三箇異名。是道經無上元君分出。即彌羅玄真境玉帝所居清微天也。其日月四王天。蓋太微玉帝之居。非此太天尊高上玉帝也。故道經言。玄谷山頂有帝君。上禮玉皇

大天尊。玄谷山。即禪家須彌山。日月天主。管
理此天之神。即今帝都京兆尹也。是以釋經
言如來說法。帝釋張蓋。即此時狀元及第。金
殿傳臚。禮部舉觴京兆尹張蓋。以示朝廷旌
賢之意。邪流遂以張蓋之帝釋。為高上玉皇。
是以張蓋京兆尹為皇帝也。其謬甚矣。惟訛
謬若此。斯雜文中。言崑崙山有八處。不知方
向。雖有八極。八極總有一西北。西北乾首。崑
崙。儒家所謂天柱地維。即道之玄谷山。釋之
須彌山。豈有

八箇之理。世人訛言已久。故因
攷清微天界。併言而戒誤論者

玉帝尊次攷

劉海蟾云。玉帝。在道教即三清之化。道家先
三清者。先虛無而後妙有。所謂無極太極。非
有尊卑之殊。在釋教即燃燈古佛。顯化釋迦
佛身。禪家先佛而後玉帝。即外國尊其主而
後中國皇帝之義也。鍾若攷道之尊處。金輪經
云。玉斗命駕神遊上極。前行五星為使者。後
以釋梵作威儀。釋梵。仙佛菩薩也。帝信三清
與佛者。顯身度衆生。使皈道也。世流妄分乘
位。不攷源流。以玉帝為次尊。是世人有大於

帝王者矣。甚至以三清佛尊比太上皇。又悖
玉帝先後顯化之意。而以異姓異躡擬父子
其罪尤甚。噫。世不能無玉帝。猶生必有宗祖
父母也。謗上帝而別立門戶。是舍宗祖父母
而自尊也。奚可哉。

玉帝躡稱利益攷

藍采和云。人知尊上帝。不稱玉帝寶躡。儒者
或言誦之非是。不知大孝終身慕父母。非孟
子之言乎。慕父母而心誠。則為孝子。稱帝躡
而心誠。永無過行。豈不為乾坤肖子哉。踐形

子之言乎。慕父母而心誠。則為孝子。稱帝號而心誠。永無過行。豈不為乾坤肖子哉。踐形惟肖。則天地皆歸。利益豈不大乎。

皇經利益攷

張紫陽云。有帝王之興。必有帝王之制。守王制而過者。未之有也。況皇經心印。迺道要心宗。體之則為至聖。豈止免過哉。今人不信利益。惟體會誦持未誠耳。智者思之。

帝經較錄功過攷

鍾離子曰。人物之生。本於道。皆自天帝而分真。故善則德動天。福自至。即貧賤而安樂。勝於他人。是真福堂。惡則自作孽。天降殃。即富貴而凶咎。是活地獄。禍福有定。隨人善惡。天

人交應。捷於影響。迷徒不信。故功格言真誦
皇經一部。為千種功德。即升天堂。真誦者。內
外總一。言行合道。不在口上念經。惟在心心
實善。善乎。王靈官曰。何勞妙手圖吾像。但願
君心合我心。能心合上帝。則德福並懋。迺真
誦善功。其餘持誦經文。戒口制心。尊信論歲
月。雖有福德。因其善之大小而應。是又次矣。
過格言不信此經。墮入邪道。以心不合道。遂
作邪人也。又言毀謗真文。身墮地獄。不信者
惟聞經中功德。信之不及。尚為小過。毀謗則

鍾一

士

廢天章。心作大業。凶咎無邊。淪於陰惡。罪不
可活。故墮地獄途。又言詆帝毀聖。廢神居。裂
真經。頑惡無忌。永受業禁。禍及七祖。毀謗則
口訕靈章。言冒天威。故罪在自已。詆帝裂經。
縱惡不悛。身為不善。遺臭無窮。虧體辱親。雖
孝子慈孫。百世不能改。已身罪業。豈有出期。
祖親之咎。又何能赦。不然。國家設法。禁罪人
可矣。有夷三族。滅九族者。何也。以罪犯過重。
故延及親族。惟若此。則為法網難逃。其餘或
邪視經典。或誦置不虔。或持念訛慢。或妄意

裁度。或是此非彼。或優彼劣此。隨其過之大
小。又有一定之報在矣。嗚呼。帝之經。當今之
法也。不信王法。律有明章。不遵盛典。豈無天
條。惜人身難得。至道難聞。父母生我。其勞苦
同。有德者福祖親。即今世登甲科。封贈顯親
鍾
也。有過者禍祖親。即今世子弟犯事。罪坐家
長也。人身同而善惡異。親恩同而福業殊。人
何不為善而甘作惡。徒遺累親宗哉。經功過
格言此。見真經在人心上。純善則經功自有。
上智行自合經。不在口誦。中智者。因經見道。

下愚則語之弗信。上智不常有。下愚亦不多。中人既廣。則教化之功。信不可缺。觀是經者。豈可不體玉帝慈悲度世之意。而視為泛常耶。

皇經集註義畧攷

石杏林云。皇經言道之真。吾性分固有之。宜不須解。世人多慮。資有高下。偏見者廣。諸仙解是。非能盡說玄旨。姑備後人之折衷耳。

皇經同異攷

張子房云。此經本無二名。高上靈寶之分。後人穿鑿。隨意增減字句。捧合文意。殊失本旨。

今攷高上靈寶。出自各仙真稱揚語。後人誤
執為二。茲據玄都定論錄傳世間。後學鑒此。
定志默體。或遇刊寫傳講差處。從公考校。其
外添文句字畫。皆訛誤也。達者勿泥執焉。
皇經集註刊傳疏文

大明講道經修玄箴嗣金真弟子山東小北臣周玄貞誠惶誠恐稽首頓首齋沐百拜
奏伏以

道妙無為。每因時而著見。人心有覺。宜隨地
以積功。臣玄貞。一介微質。三才末品。慕妙法
以皈玄。本儒行而會道。一覩帝經。勝獲珍

異。即逐字以精研。冀因文而了悟。但聖典無
註。體認惟難。臣貞用發衷虔。博方解義。緒纂
仙聖格言。彙入道藏函部。緣三卷之真文。用
集序次數五品之秘論。以列篇名。卷編為十。
幅計六百。總列一百八章。大畧十餘萬言。千
聖心法。觀冊昭然。浩劫玄宗。舉目如在。雖未
能獨窺上聖之蘊奧。亦庶使衆觀最盛之真
文。寸勞既効。良緣若存。消吉朝而虔刻。資善
信以協成。預奏疏詞。上干
玄鑒。增

君民清淨之福。赦小北僭妄之罪。使諸界多

方。盡為十七光明之照徹。絕今傾古。悉被三

十大願之陶鎔。人物俱登重玄。冥陽永霑法

利。庶臣玄貞之誠。少伸萬一矣。謹奏。

經註名義序次攷

經本文有作一卷者。從本傳。象太極也。分三

卷者。象三才耳。今註作十卷。象十極之義。道

數成於十也。分五品。以象五行。合五行四象

八卦。則得十七。皆太極之分。故帝於十七光

明。天以生地。以成。玉帝此經。即地之曲成。

萬物。地數三十。故帝示三十種功德。帝德超
出十極。故具十號。修億萬劫。故周萬德。今註
六百幅。象火記六百篇。一百八章。後帝千八
百戒。十萬餘言。象帝十萬妙行玄光也。至於
所謂皇經纂。恐下愚不能全契聖文。舉大要
以詔入耳。知此義。又何有不同之者。
鍾
十五
觀誦講授經典戒義

凡觀誦諸經。或講明授受。先齋明整衣。肅容
請經。置淨几上。端坐定志。善惡兩忘。一乘不
立。冲妙虛明。然後從容展卷。或默觀。或持誦。

或發明。或教習。與帝終對越。至誠無息。方為守戒。

抄寫經戒

凡抄寫諸經。規儀與觀誦同。

心正筆正。非欲字好。即此是道。

信經論昇沉德業辨

人自太極。化天堂地獄。經詳言之。世固未

信。豈虛語耶。死歸空。趣不盡者。鬼有執業。

伯有為厲。子產信之。夫子不以為非。地獄豈

無。清淨還造化。舊物。天堂亦有。但福不可徼。

得業不可倖免。天堂地獄。惟人心造。若信二

說之名。而不修德。是自求禍也。

雖日言果報。亦何益之有。

凡誦經者。有淨心等諸呪。今不錄。因前已教人心同於道。是誦真呪矣。故不載其文。

皇經原本。首載三十六聖號。後天上三十六之義。今經止載十誥。何也。十號十極。從帝稱用之耳。寔不以繁簡而為去取也。觀者詳之。

高上玉皇本行集經註解

此義迺洞玄靈寶對註者。後人勿疑。

長跪禮奉

此經係元始闡玉帝妙行之義。故誦經者。長跪虔誠禮奉。

仰啓三清境。無上三境尊。

知大道之高。三清之尊。投誠企慕。皈

身皈神。皈命。上達真心。仰瞻啓告於玉清。

上清。太清。三清境界。至尊無上。玉清聖境。

元始。上清真境靈寶。太清仙境道德。三境

道祖大天尊。

仰啓大羅天無上玄穹主。呂純陽曰。玉帝所居。為三千大千世界。故云大羅。玄

界。天宗。永無退轉。至高無比。故云大羅。玄穹主。穹隆蒼穆。諸天都教主。

仰啓三清界侍宸諸真衆。張紫陽曰。侍。旁列也。宸。高玄不可窺

見聽聞之界。諸衆也。諸真衆。先天九宸。後天。切神。佛。菩薩。阿羅漢。金剛。皆在馬

妙道難思議。至妙大道。最上一乘。不可以心

思。不可以言議。難以思議而得。造入資玄門。鍾一張子房云。造入。由真知力行進

造入資玄門。玄難入。漸進。悟入資玄。即孟子所謂居之

安則資之深。釋經所謂後聞思修。流入亡所也。妙經抉音訣玄蘊。抉。決也。挑出之意。玄蘊。玄奧難測。此

導引塵迷趣。元始說妙經抉玄蘊。導引塵俗

臣今淨三業。臣。看誦經者自稱也。三業。身業。口業。心業也。淨虔誠永絕此業也。

迷。人使出苦海。脫其業趣。

口誦及心持。誦經者自言誦此經真誠。口中誦真。心持受也。

惟願大慈悲開受。臣所請。悲。一本作尊字。悲字為是。誦持此經。

惟願元始玉帝諸真。垂大慈悲。開慈顏。受臣所祈請。若作尊字。不能承前三啓意。

慈光燭卑賤。聰聽聆音聲。諸聖大慈光。燭照臣卑賤誠心。神聰聽聆祝誦音聲。

願臣諷誦時。響徹十方界。願臣諷誦經時。法音響徹十方界。十方聽信大法。即響徹也。

成就一切願。如經所稱述。願臣悟經修真。成就一切善願。如此經中所稱述。玉帝歷劫妙行。

從此漸進修。成道事諸聖。從此漸次進修。成大道。事諸仙聖人。

至心皈命禮。誠有未至。不為至心。少有追悔。不為皈命。諷此經。永誠不改而恭持。故云。至心皈命禮。

玉清聖境。元始尊大無比。天中法王。位冠仙佛。其居永不懸壞。云玉清聖境。

清微天宮。解見後

鬱羅蕭臺之中。

最上之極。天中之天神光芳鬱。蕭然真清。故言鬱羅蕭臺之中。

森羅淨泓

音弘玄深不可窮也

之上。

天有萬象羅列。深奧難窮。玉清在諸天上。故言森羅淨泓之上。

現有為之梵相。

元始天尊。為三教宗。顯化教人。其妙難窮。是現有為億梵妙相。

具無極之神通。

具無極量大神通。一云。元始迺無極大道。故云然。前說為是。

敷演真玄。破無有色空之礙。

敷宣廣布。演說發明。至真玄宗。破世

鍾一

十七

間無有色空等障礙。無者。以無為宗。有者。狗生。色者。執有空者。不脫無趣。元始說此經。明示真玄。不屬三觀。不落兩際。明言直指。如如見成。故破無有色空之滯礙。使皈道妙。

拯提趣類。絕智愚高下之分。

情識業趣。諸類

出塵。不拘古今聖愚。皆可修道。是絕無智愚高下。一切分別。真不二妙法。

妙用難窺。靈機罔測。

至聖妙用無方。難以窺視。玄靈道機。不可測度。

大悲大願。大聖大慈。無量度人。元始天尊。大悲。

憐世心切。大願。願化無窮。大聖。聖中至聖。大慈。濟度無盡。無量度人。無限量也。元始句。解見後。

至心皈命禮。此是言誦者經者。真心頂禮。至尊。今人口念此句者。非也。

上清真境。最上玄清。至真妙境。

禹餘天宮。自始青而太白。玄光神化妙界。永不毀。高大無比。神運無疆。經言元白禹餘天宮。

紫微瓊臺之中。妙境難測。永不動毀。故言紫微。非北長紫微垣。瓊臺。上清宮光。萬寶莊嚴。云瓊臺中。

玄都玉京之上。上清。在太玄都白玉京之上。一言在高天玉京山之上。亦通。

接元始虛皇之統系。系。下記切。繫也。繼也。靈寶體元行化。故上接元始虛皇道統世系。

超西那玉國之根苗。經攷西那玉國在陝西。西方白帝生處靈寶在諸聖生化之先。故言

超出西那玉國根苗不可以元白作白帝也。一云。超當作紹。言天尊為西那玉國根苗。非也。

入黍米珠。盡挹真玄之精粹。

天尊入黍米玄珠中。即儒家所謂九

弄太極。佛悟正法眼藏也。挹。獨徹此道。如世人握奇珍。飽至味也。故云。盡挹真玄精切華粹。

在香林苑。屢談秘要之筌蹄。

天尊在上清妙香寶林玄苑中。屢次

談說玄秘真要之筌蹄。道本無說。經為修行徑路。即取魚之筌。捕兔之蹄。不可終執。故說經為筌蹄。

妙德難思。神通莫擬。

天尊妙德難以思致。神通莫可比擬。

大悲大願。大聖大慈。無量度人。

解見前。

靈寶天尊。

始青至太白。元始再彰妙化。居上清。靈運無方。大道法寶。傳之不窮。為靈寶天尊。

至心皈命禮

太清仙境。大赤天宮。

三清境。天宮本一。以玄光大著。妙無窮盡。故言

太清仙境。元白散霞。赤祥徧覆。永無毀淪。故曰。大赤天宮。非專言色之赤紅也。

巍巍金闕之高。渺渺重霄之上。

太上所居。巍巍不動。最上

至大。無比倫。金光不毀。玄闕之高。渺渺難窮。永居九宸九重九霄上。一云。冠三十六天重霄上。

降生於無量數劫。

太上歷劫行化。無有量數。不可窮探。大道玄宗。是降生於無量數劫。

說法於萬二千天。

太上歷來化徧三千大千。此言說法萬二千天。太上說法宮。有萬二千天界也。

五千祕言。融三才之妙道。

道有五千餘祕言。融貫天地人三才妙道。

八十餘度。接六趣之衆生。

八十一化。接引天人。魔鬼獄畜六等趣衆

生。或云。接六欲中滯眼耳鼻舌身意六趣衆生。又云。接有無色空能所六趣。或後拯字。拯。拔悟道成真。意亦是。六趣難脫。太上垂慈教化。拔濟神人鬼物出塵。故亦作拯。

聖德崇高。玄功廣博。

太上聖德。尊崇隆高。玄功普廣博。大。深厚莫窮。故言玄功。

大悲大願。大聖大慈。無量度人。

前解見

降生天尊。太上顯化無量慈恩莫窮。生生不已。故云降生天尊。

至心皈命禮

妙有真境。彌羅上宮。上宮。玉帝聖父宮名。

曩音向示現國王之身。曩昔時往劫也。昔顯示

即根本帝尊之質。即根本萬天聖帝慈尊之體質。

始相湛寂。聖父道化宗始。妙相湛然常清。寂然不動。

實至玄至妙以難言。湛寂始相。實至玄遠。至神妙而難以言議。

嗣位繼傳。妙無等無倫而相踵。嗣光嚴國君位。繼國王宗

傳。其德無與同等而相倫類者。踵繼先業。德福彌昌。故云妙無等無倫而相踵。

聖父之慈悲父。至尊之最上尊。玉帝號衆生慈父。位至尊。

具一炁胚胎之始。具真一炁。顯化胚胎之始。胚。形氣初立。胎。形氣稍著也。

寓帝身生化之殊。寓寄玉帝道身。生化祥瑞殊異。

萬化祖根。衆生慈母。聖母誕玉帝。分萬化。統衆生。誠萬化祖根。衆生慈母。

大悲大願。大聖大慈。寶月光皇后。聖母元君。

至心皈命禮

紫金闕。白玉玉京。紫金闕與黃金。非二說。玉帝京闕。神光妙寶無

二。常御者淨土。色尊為黃金。宴息之所。紫金闕也。金玉重文者。讚文自當若此說。

住妙有之境中。常住妙有無迹真境中。永處大玄至真。上天之上。

功成道備。故妙相卓冠於諸天。普度功成。至真道備。故妙

好光相。卓然冠出於三千大界一切諸天。加冠於首曰冠。玉皇萬天教主。故冠諸天。

心廣體胖。故慈光徧燭於三界。性天廣大。妙體如如。心本

廣。體本胖也。人不能。故無光明。玉帝成道。心如太虛之廣。道身自然。斯慈光照諸三界。

心廣體胖。故慈光徧燭於三界。

性天廣大。妙體如如。心本

廣。體本胖也。人不能。故無光明。玉帝成道。

心如太虛之廣。道身自然。斯慈光照諸三界。

位尊而上極無上。

位尊無比。故云。上極無上。

道妙而玄之又玄。

玉帝之道。高妙難窮。是玄之又玄。

真聖宗師。天人依仗。大悲大願。大聖大慈。

解見別章。

穹蒼聖王。玉皇大天尊。

穹蒼聖主。諸天宗王也。此彌讚玉帝之尊。

至心皈命禮

光嚴國內。妙樂土中。

解見後註。

聖母凝神。夢於虛無。

聖母夢道。君抱嬰兒。付已。遂生玉帝。是凝會神

異之。夢於虛無中。夢本幻中之幻。故云虛無。然祥異特著。故云神夢。

道君授玉質於恍惚。道君降授玉帝寶玉質付聖母於恍惚渺冥中。

慈愛和遜。仁慈惠愛。溫和謙遜。

弗貪萬乘之尊榮。萬乘。大國出車萬乘者也。玉帝捨王位。是不貪萬乘。

君位之尊重榮華。

忍辱仁柔。不憚億劫之修累。大忍耻辱。仁愛柔弱。不憚億劫。

之修德累行。憚。畏難也。十萬曰億。劫解見後。

功高無比。德重難踰。德行超倫。故高無比。恩德邁種。故重大難踰過。

大悲大願。大聖大慈。現無量功德之身。玉皇

大天尊。此號讚玉帝功德之大。

至心皈命禮

尊居帝位。高處天宮。

尊居玉帝位。高處清微大天宮。

徧遊於一切白玉京中。

徧遊周歷一切世界。大天宮白玉京也。

普現於十方黃金闕內。

普徧廣現於十方一。切大天宮黃金闕也。

定而能應。去来自在。以無拘。

或去或來。妙用。或定而能順應。

自然得大自在。未嘗拘拘。去來伸屈。翕散始終皆然。

合而可分。變化圓通。而莫測。

神變化。妙化。圓活。合而可殊分。

大通。活潑潑地。莫可測度。變化圓通。即佛云。信手拈來。無不是道。儒家云。左右逢源也。

演清淨解脫之道。

演說真清淨。大。解悟超脫之道。

濟沉迷憂苦之徒。

濟度沉迷惑。憂悲業苦之徒。

自然而然。非識可識。

帝妙化自然。非人間識。性可測識者。或以可識。

識字作誌字看。非是。或作解識看。亦不是。

大悲大願。大聖大慈。現清淨自然之身。玉皇

大天尊。此彌讚玉帝聖德之純。

至心皈命禮

昔為王嗣。苦見音現玄功。昔劫初為光嚴二嗣苦見無量玄深功化

鍾

三千餘劫之修行。有如一音現日。三千二百劫修真行道如一日

億萬生靈之拯度。廣及十方。拯拔濟度億萬生靈廣及十方一切世界

雖法身由胎臟之胚。脾諒聖體由道原之變

化。玉帝顯化。生自聖母。法身聖體。雖由胎胞臟神之胚。基脾生。脾音運。形化之意。諒此

聖體。寔由大道宗原之變化生成也。

不壞不滅。杳亡杳存。

終不壞。永不滅。杳若亡。寔妙有。杳若存。却虛無。

大悲大願。大聖大慈。現神明堅固。不壞真空。

無上法身。玉皇大天尊。

此號讚玉帝聖果至真常住也。

長跪懺悔。

長跪。俯伏地上。投誠盡恭。或云。屈膝時久。為長跪。非也。懺。自陳己過。願永滅此惡。懺。懊恨。前非。願自改圖。即罪人自首也。

臣等自從無始劫。

臣等。看誦經者。率同善人而言。自從無始劫數

以來。無始劫。世數無窮。不可知其本始也。

無明煩惱覆真心。

人性本明。因事物動心。自己遮蔽。不能反觀內

照。起了妄念。故曰。無明煩惱。因無明煩惱。遂昏暗起。煩亂恨惱。傾喪善心。故曰。覆真心。真心常在。雖無喪失。因無明煩惱。去了。自露本真。蔽錮。如物被覆。像不見也。

常行殺盜與邪淫。

常行。不但專行殺生偷盜邪淫的事。凡有殺心

盜念淫亂之思。不能斷盡意識。皆是常行惡事了。此身三惡業也。

兩舌妄言並綺

倚音語。或常搬說是非。兩頭

妄說言辭。或萋菲售奸。文飾說詞。

巧言亂聽。而為綺語。不據實論。

誹謗大乘真正教。

或不聞大道。謬言毀論。誹謗。大乘正教。

鬪亂親朋離間人

鬪不是相毆。或妄言謔人爭心。亂親朋情。分離

間阻。隔人家和氣。此三句皆口四惡業也。

貪嗔癡暗縱三心

或欲得無厭。貪求不已。忿怒懊惱。嗔恨不休。或

迷惑泥執。癡滯不改。貪嗔癡暗縱三心。有以暗字作一病。過去見在未來。言三心皆非是。

喜怒愛惡增七慢

劉朗然云。遂意生歡喜。感觸生忿怒。技中生溺。

愛違意而增惡連上三心共增為七慢
一慕浮華不求大道為狂慢二恣肆惡
念不信罪福為悖慢三沉迷幻妄不飯
正法為褻慢四樂縱凡情不親正人為
傲慢五匿怨妬橫不畏法典為急慢六
縱情恣慾不保身體為惰慢七厭惡不
輟不登善地不敬神明為悔慢或以喜
怒哀懼愛惡慾七情為七慢皆由喜怒
愛惡而增貪嗔癡三心不可入七慢中
此說不可從依劉朗然說為是觀者詳之

鍾一

三二

歷劫罪根難記憶

歷來劫數所造惡業
罪根難以考記憶想

多生業垢莫能量

多生世世愆業塵垢汚
染莫能稱量不知多少

皈依上聖大慈悲

皈依至誠永久歸向也依
因依仰賴仗上聖大慈

悲心力默佑永滅罪過
悲或作尊字太拘了

發露真心伸懺悔

發露真實善心仰
伸懺罪悔過誠意

萬劫千生諸罪垢

萬劫千生畧舉數而言
歷來諸罪業垢污之孽

願從懺悔悉消除

願從懺悔之後永不造
業風愆盡消散除去淨

將此身心奉上真

將此見具身心永
奉祇承上聖至真

惟願罪根悉原宥

惟願歷來罪根悉
真原無知情由盡為赦宥

至心發願

以至誠心
發大誓願

願眼常覩玉毫相

願眼中常覩見聖真
玉毫光妙相儼然如

願耳常聞說法聲

願耳中常聞聖真說法
妙聲一誠之動有真聞

願鼻常嗅衆妙香

願鼻中常嗅聞聖真法
身衆妙真香得洽梵氣

願舌常讚無上道

願舌常讚無上妙道非
聖真之法言不敢言

願身不染邪淫穢

願生生身清不染邪淫
穢惡非聖真之法行不敢行

願意常存正信心。願我念永無邪妄欺觀之私。

發願上報四重恩。天地蓋載日月照臨皇王水土父母生身為四重恩。

發願下濟三塗苦。願濟色累天塗愛累地塗。貪累水塗。心神形三重苦。

廣運慈悲憐一切。願廣運我本等慈悲憐恤一切。一云願帝運慈悲。

廣行方便度衆生。願作如是功德。廣行大方便。化度世間一切衆生。

仰惟玉帝大慈悲。解見前。

加護願心悉成就。玉帝加護使我願心。一切皆得如意。悉能成就。

發願已竟。完也。皈依

三寶。師道經。

玄蘊呪。重玄秘蘊。大梵仙呪。

大哉元始。大哉。大不可量。

無量度人。解見前。

演清淨教。解見後。

登引天真。登進接引天真。一

玄座說法。道身常住。光徹十方。座非凡座。凌

寂然無聲。寂然無聲。

玉帝放光。解見後。

喜慶難言。喜慶難言。

是為心傳。是此真經。要典。主

亦曰天根。此經為天道之玄

大圓滿呪。鮮見後。

瑤章洞文。碧瑤天章。大洞靈文。

集以成書。集元始之秘書。請明以成玉帝之經書。

敷落神真。敷布落著神真。以流聖教。語落典章即此意。

臣今東向誦東向坐誦此經。

願與天齊并。願齊天永遠。真誦此經。

存亡俱證果。存亡悉證道果。

永度愛河津。永出愛河。衆生息愛最難割。真苦惱之津。誦經令一切永度愛河。

注想尊容。想玉帝尊容。

稱揚寶號。稱玉帝寶號。

至心皈命禮。註見前。

太上彌羅無上天。太虛最上玄冲。彌羅無極。至上之天。

妙有玄真境。玉帝天宮。有玄象瑞光。非凡象幻假。永不壞。微難窮。云。妙有玄真境。

渺渺紫金闕。渺渺紫金瑞光。玄相之金闕。

太微玉清宮。太微。非日月天太微垣。迺太上玄微玉清宮。玉帝所居之宮。玄瑞紫炁。

金光四十億萬里。巍巍如如。永不毀淪。絕無塵染。諸天不能及。故云。太微玉清宮。

無極無上聖。道高無極。位尊無上。至德大聖。

廓落發光明。似廓無際。碧落重玄。發最大無量光明。

寂寂浩無宗。雖著大光明。冲漠難窮。默默無聲。寂寂不可識。浩浩然無有根宗。

玄範總十方。道體法身。巍巍蕩蕩。為神明之宗。萬天之主。浩劫聖祖。是玄範總統十方。

湛寂真常道。湛然寂然。常清常定。真常不易之大道。

恢漠大神通。恢恢無量。漠漠無朕。最大神通。

玉皇大天尊玄穹高上帝。玉皇。非一天之尊。萬天之主。三教之

宗。最上無極大天尊。玄虛蒼穹高上帝。念

此十句聖誥。當一句一拜。如不能逐句拜。

先一拜。將誥全念。後九拜。只念

玉皇大天尊玄穹高上帝。亦可。禮完。端坐誦經。

大元帥馬靈官云。此經法中王。神人鬼物無

往不利。世間或男或女。不拘貧賤富貴不識

字者。但能敬此經。聞此經。女轉成男。人得福

壽。或印造施捨。或勸人持誦。功德無量。但要

至誠。不可希。望疑怠。此經所在。諸神護之。人聽吾言。神亦永佑。免之。勿負良緣。

